

絳紗裏藥曰病發者使執之自愈一丸可愈百人過百人卽不
驗矣姥從之子孫皆愈徧療及百人滿果不驗矣姥折囊已不
見藥但有書呂洞賓三字而已方知遇呂帝也

桐廬賜藥

桐廬有通守忘其姓名以母病發背百方不瘥祈禱備至感呂
帝夜夢之曰公至孝感天命余救拔若遲一日不復可瘥乃授
以靈寶膏方括萸五枚取子乳香五塊如棗大二味各細研以
白砂蜜一觔同熬成膏每服三錢温酒化下通守市藥治服卽
愈後以施人立效

趙州醫跛

道藏輯要

聖蹟紀要

三五

塵集五

趙州貧民劉某病跛二十年每夕炷香禱天一日有道人手攜
鐵瓢謂劉曰可隨我行劉隨之行二里許指地下曰此下深三
尺餘有五色石試掘之果得一石大如彈丸五彩殊常道人曰
子可持歸暴露九日細末以木瓜皮煎湯服俟愈可來城東駐
雲堂東廊第三間左壁上再相會及劉疾脫然愈卽往尋之但
見壁上有呂帝相攜瓢云又鄂城潰陽有一貧婦素患癱病每
日膝行至橋上乞錢一日遇一道人過見而問之婦曰夫故遺
姑年八十餘來此丐些錢米以養姑耳道人聞已遂將所執棕
拂子謂婦人曰汝試牽此起身來婦果牽之而起又曰汝試再
隨我行婦人卽隨之行不數武婦疾大愈如平人婦曰先生何